

ବନ୍ଧୁବାଣୀ

ଶ୍ରୀକାଳୀଚାନ୍ଦ ଦାଲାନ ପ୍ରଣୀତ

ସ୍ୱଳ୍ପ ଚାରି ଆନା

ପ୍ରେମ-ନିକେତନ ହইତେ
ଶ୍ରୀଜଗଦାନନ୍ଦ ଦାଶ କର୍ତ୍ତୃକ ପ୍ରକାଶିତ ।
শান্তিপুর, নদীয়া ।

শান্তি-নিকেতন প্রেসে
শ୍ରীজগদানন্দ রায় কର୍ତ୍ତୃক মুদ্রিত ।
শান্তি-নিকেতন, বীরভূম ।

সমর্পণ

অস্তুরের গুঢ় ভাব, মনের গোপন আশা,
সুখ-দুখ-ভরা মোর ব্যক্ত বা অনুক্ত ভাষা,
জীবনের শুভ দিনে কত আনন্দের কথা,
দারুণ দুর্দিনে যত মর্ম্মভেদী শোক ব্যথা,
সকলি জানেন যিনি—পরম সমজদার,
যাঁর কাছে দোষ ত্রুটি নাহি কিছু লুকাবার,
একান্ত সুহৃদ যাঁকে প্রাণের দরদী জানি,
তঁাহাকেই অর্পিলাম অকিঞ্চিৎ মর্ম্মবাণী ।

নিবেদন

এই কবিতাগুলি পূর্বে মাসিক ও সাপ্তাহিক পত্রে ভিন্ন নামে প্রকাশিত হইয়াছিল ; এক্ষণে পরিবর্তিত আকারে গ্রন্থিত হইল ।

শ্রদ্ধাম্পাদ কবিবর স্বর্গীয় সত্যেন্দ্রনাথ দত্ত এবং বন্ধুবর ত্রীযুক্ত করুণানিধান বন্দ্যোপাধ্যায় অনুগ্রহ করিয়া এই পুস্তকের কোনও কোনও কবিতা দেখিয়া দিয়াছিলেন ; এজন্য আন্তরিক কৃতজ্ঞতা জানাইতেছি ।

শান্তি-নিবেশন
অগ্রহায়ণ, ১৩২৯ }

শ্রীকালচাঁদ দালাল

সূচী

ভিক্ষা	১
আরতি	২
বাসনা	৩
নির্ভর	৪
সাধনা	৫
রহস্য	৬
যাত্রা	৭
যুবকের প্রতি	৮
খোকা	৯
প্লাবন	১২
দাতা কর্ণ	১৫
শারদোৎসব	১৯
বিজয়ানন্দ	২২
নববর্ষ	২৫
বর্ষশেষ	২৮
উপহার	৩০
জননী	৩১
লক্ষ্মীমেয়ে	৩৪
পিতৃ-তর্পণ	৩৬
মাতৃ-তর্পণ	৪২
পরিসমাপ্তি	৪৪

মন্মথাবানী

ভিক্ষা

দয়ার সাগর বিভু আছ তুমি সর্ববঠাই,
চাহিলে আকুল প্রাণে অন্তরে দেখিতে পাই ।
সংসার-সঙ্কট মাঝে দুখে তাপে সর্ববক্ষণ,
কাতর ক্রন্দন শুনি দাও তুমি দরশন ।
পাপে অনুতাপে যবে হৃদয় দহিয়া যায়,
অর্ন্তস্বরে অশ্রুভরে ডাকি যদি হে তোমায়,
সে করুণ আবাহন কভু না বিফল হয়,
পাপ-ভয়-হারী হরি দাও তুমি বরাভয় ।
আছ তুমি সর্ববভূতে ইথে তৃপ্ত নহে মন,
থাক হে হৃদয়ে মম পরাণের প্রিয়ধন ;
তোমার পরশে আমি কৃতার্থ হইয়া যাই,
প্রেমময় তব ঠাই এই চাই—এই চাই ।

আরতি

প্রভাতে বিমল আলো, সায়াহ্নে আঁধার,
 মধ্যাহ্নে প্রখর তাপ স্বজন যাঁহার ;
 যাঁহার স্বজন বৃক্ষলতা ফুলফল,
 জলস্থল গিরিনদী এই ভূমণ্ডল ;
 রবিশশী গ্রহতারা যাঁর ইচ্ছাক্রমে,
 প্রাণময় সগীরণ সারা বিশ্বে ভ্রমে ;
 যাঁহার কৃপায় লভি দৈনিক অশন,
 নিশাতে স্তনিদ্রা করে শ্রান্তি নিবারণ ;
 জড়-মরদেহে যিনি চেতনা বিতরি,
 অলক্ষিতে পালিছেন দিবা বিভাবরী ;
 জ্ঞানধর্ম্মে আমাদের করিয়া স্বাধীন,
 কত ভাবে কল্যাণ সাধেন নিশিদিন ;
 বিপদ সম্পদ, সুখ দুঃখ সমুদায়,
 সকলের মূলে যাঁর শুভ অভিপ্রায়—
 করিছে মোদের সদা মঙ্গল বিধান ;
 গাও মন অনুক্ষণ তাঁর গুণগান।

মর্শ্ববাণী

বাসনা

করুণা-নিধান প্রভু নিখিল জগৎপতি,
বিপদে সম্পদে তুমি এই জীবনের গতি ;
দুঃখ শোক বিভীষিকা পরিবৃত এ ধরায়,
অবাধে জীবন কাটে শুধু তব করুণায় ।

সংসারের তপ্ত পথে ভার বহি সারাদিন,
শ্রান্ত ক্লান্ত প্রাণ মন, শরীর অবশ ক্ষীণ ;
অশান্তি অভাবে যবে সব আশা হয় শেষ,
স্ব-শান্তিরূপে তুমি প্রাণে কর পরবেশ ।

অশান্ত হৃদয়ে তুমি ঢাল কৃপা-শান্তিজল,
তব প্রেম-অন্ন লভি পাই প্রাণে নব বল ;
তোমার প্রসাদে প্রভু সব জ্বালা দূরে যায়.
তাই এ তাপিত প্রাণ তোমার শরণ চায় ।

দাও হে ভরসা দীনে, আজি করি এ মিনতি.
তব স্বরূপের মাঝে ঘিরে রাখ বিশ্বপতি ;
অতৃপ্তি হউক দূর, কৃতার্থ হউক প্রাণ,
তন্ময় হইয়া থাকি—এই কর ভগবান্ !

নির্ভর

অরূপ দেবতা তুমি, চোখে কভু দেখি নাই,
বিরাজ স্বরূপে সদা তাহার প্রমাণ পাই ।
অন্তরে বাহিরে তুমি আছ বিশ্ব-চরাচরে,
সাড়া দাও হৃদি মাঝে, ডাকিলে ব্যাকুল স্বরে ।

এ ধরায় রোগ শোক দুঃখ ভয় অগণন,
প্রতিপদে অন্তরায়, প্রতিক্ষণে অনটন ;
প্রত্যেক পলকে দেখি প্রলয়ের সম্ভাবনা !
তবু ত রয়েছি মোরা, লভি তব কৃপাকণা ।

মোদের পালন তরে তুমি দয়া-অবতার,
না বুঝে তোমার ভাব, করি মোরা হাহাকার !
তিলেক নির্ভর নাই, তোমা প্রতি অবিশ্বাস,
তাই ত মোদের দিন কাটে করি হা-হতাশ !

অবোধ আমরা, নাহি বুঝি তব প্রেম-রীতি ;
সুখ দুঃখ সবেতেই তুমি শুভ সাধ নিতি ।
নির্বিবন্ধে আমরা হেথা নির্ভয় হইয়া থাকি,
যদি তোমা 'পরে সদা অটল বিশ্বাস রাখি ।

সাধনা

যাহা করি, যাহা বলি, যাহা ভাবি মনে,
সকলি জানিছ তুমি থাকিয়া গোপনে ।
তব কাছে কিবা মোর আছে অগোচর,
অদৃষ্ট-বিধাতঃ ওগো প্রাণের ঈশ্বর !

যখন যে ভাবে মোরে রাখ প্রেমময়,
তাহাতেই মম চিত প্রীত যেন রয় ।
সকলি ত হয় দেব ইচ্ছায় তোমার,
তব বিধি খণ্ডিবারে সাধ্য ওগো কার ?

সদা শিরে ধরি তব আদেশ-বচন,
থাকি যেন এ সংসারে দাসের মতন ।
নিরন্তর পূর্ণ করি অধীনের হিয়া,
বিরাজ হে বিশ্বরাজ করুণা করিয়া ।

শিব-সিদ্ধিদাতা তুমি এ বিশ্বাস করি,
তোমার কৃপায় প্রভু এ জীবন ধরি ;
রাখ দেব এ দাসেরে অভয় শরণে,
তব ইচ্ছা পূর্ণ হোক জীবনে মরণে !

ৰহস্য

এ সংসারে সব দেখি বিচলিত বিনশ্বর,
 এই আছে, এই নাই, ক্ষণে ক্ষণে ভাবান্তর ।
 সুখ দুঃখ জীবভাগ্যে ঘুরিতেছে চক্রবৎ,
 সম্পদ বিপদে সদা সমাচ্ছন্ন এ জগৎ ।
 জন্মিয়া মৰিতে হয়—সবাকার গতি এই,
 অজয় অমর বর কারো ভালে লেখা নেই ।
 জরা অসামর্থ্য যবে অধিকার করে দেহ,
 শত চেষ্টা করিয়াও নিবারিতে নারে কেহ ।
 ধন জন যৌবন চিরদিন নাহি রয়,
 স্বাস্থ্য বল রূপকান্তি কালবশে হয় ক্ষয় ।
 অসার অস্থায়ী লয়ে মত্ত হয়ে আছি সবে,
 ভাবি না ত একদিন সব ছেড়ে যেতে হবে !
 সংসার ৰহস্য এই,—এতে মোরা আছি ভুলে,
 নিরন্তর দেখি তবু দিব্যদৃষ্টি নাহি খুলে ।
 চিরস্থির কিছু নহে—সরিতেছে অবিরাম
 সকলি হেথায়—তাই সার্থক সংসার নাম ।

যাত্রা

ভব-সাগরের 'পরে অনন্তের পাড়ি,
 ভেসেছে জীবন-তরী বিহীন কাণ্ডারী ।
 মোহের কুহেলি যবে ঢাকে চারিদিক,
 কোন্‌টি গন্তব্য পথ, নাহি হয় ঠিক ।
 বাধা-বিঘ্ন-ঝঞ্ঝাঝড়ে ছিঁড়ে আশা-পাল,
 সংশয় আবর্তে ভাঙে বিশ্বাসের হাল,
 তরী হয়ে বাণচাল দিগ্বিদিকে ধায়,
 সংসার বিপাকে পড়ি' তলাইয়া যায় !
 এ মহাসঙ্কট মাঝে কে বাঁচায় তারে ?—
 তুমি বই, কর্ণধার ! কে রাখিতে পারে ?
 তুমিই চালাও তারে, হে জীবন-স্বামী !
 অনন্ত গন্তব্য পথে দীর্ঘ দিবা-যামী ।
 তুমি বিনা কেবা আছে করিতে নিস্তার ?—
 বিপদ-সঙ্কুল এই ভব-পারাবার !
 শুধু তব কৃপা-শ্রোত অবলম্ব করি,
 কুতূহলে যায় চলে এ জীবন-তরী ।
 রহস্য-রাত্রির পারে দিব্য ধ্রুবালোক ;
 সেইখানে হে দেবতা, খেয়া শেষ হোক !

যুবকের প্রতি *

হে যুবক ! সুহৃদের শুভাকাঙ্ক্ষা লও,
 নিরপেক্ষ—নিরাপদ—দীর্ঘজীবী হও।
 নিভূপদে মাগি ভিক্ষা, দাও ভাই সৎ-শিক্ষা,
 স্বজাতির হিত-ব্রতে দৃঢ় হয়ে রও।
 তাজি নীচ সুখ-স্বার্থ সাধ উচ্চ পুরুষার্থ,
 অপ্রেম উপেক্ষা যত অকাতরে সও।
 কাহাকে দিও না ব্যথা, হিতকর সত্যকথা,
 নির্ভয় নিঃশঙ্ক-মনে সর্বজননে কও।
 সত্যোতে রাখহ প্রীতি, কিসের ভাবনা ভীতি ?
 সত্যের বিপুল বল—কাহাকে ডরাও ?
 কর্তব্য বুঝেছ যাহা, সযতনে পাল তাহা,
 উপহাস লোকনিন্দা হাসিয়া উড়াও।
 লজ্জার যে অনুরোধ, তৃণতুলা কর বোধ,
 সিদ্ধির সুখদ ধামে যদি যেতে চাও ;
 যত্নের অসাধ্য নাই—সবারে বুঝাও।

খোকা *

প্রিয়তম খোকা রে আমার !

চাঁদ-মুখে হাস একবার ;

দন্তহীন মুখে হাসি, আমি বড় ভালবাসি,

গাল-ভরা হাসি তোর অতি চমৎকার ;

দেখিতে বাসনা বড় অন্তরে আমার ।

প্রিয়তম খোকা রে আমার !

হাসি-মুখে কাঁদ রে আবার ;

হাসি সহ কান্না তব, অপরূপ অভিনব,

জগতে তেমন কিছু নাহি দেখি আর,

মুখে হাসি চোখে কাঁদা যেমন তোমার ।

প্রিয়তম খোকা রে আমার !

‘মা’ ‘বা’ বলে ডাক একবার ;

আধ আধ কথা তোর, বড় ভাল লাগে মোর,

সাধ যায় তোর কথা শুনি অনিবার ;

ফেলিয়া সকল কাজ—বিষয় ব্যাপার ।

প্রিয়তম খোকা রে আমার !
 তোর স্বর নহে তুলনার ;
 কোকিল পাখিয়া ধ্বনি, কঠোর বলিয়া গণি,
 তোর স্বর কাছে তুচ্ছ বীণার বাজার !
 শ্রবণে বরষে যেন অমৃতের ধার ।

প্রিয়তম খোকা রে আমার !
 তোর সম কেবা আছে আর ?
 নবনী মাখন ফেলি, লুচি মণ্ডা অবহেলি,
 মুখে দাও কাদা মাটি, জঘন্য অঙ্গার ;
 ভাল মন্দ তোর কাছে নাহিক বিচার !

প্রিয়তম খোকা রে আমার !
 তোর মনে নাহিক বিকার ;
 তোর নাহি হিংসা দেষ, ঘৃণার নাহি ত লেশ,
 ভাব না কে পর, আর কেবা আপনার ;
 তোমার সমান স্ত্রী কেবা আছে আর ?

প্রিয়তম খোকা রে আমার !
 তোমা বিনা ঘর অন্ধকার ;
 যে ঘরে না থাক তুমি, সে যেন শ্মশান ভূমি,
 তুমি যে অমূল্য নিধি সর্ববধন সার ;
 যে তোমারে পায় ঘরে বহুভাগ্য তার ।

প্রিয়তম থোকা রে আমার !

উজলি এ আঁধার আগার—

নিরাময় দেহে রও, তুমি চির সুখী হও,

তোর সুখে সুখ মোর—আনন্দ অপার ;

হৃদয়-রঞ্জন থোকা তুই বাপ-মা'র।

প্রিয়তম থোকা রে আমার !

তোকে লয়ে সুখের সংসার ;

দীর্ঘজীবী হয়ে থাক, বংশের গৌরব রাখ,

তোর তরে আজি এই কামনা সবার ;

পাক্কু তোমার শিরে কৃপা বিধাতার।

প্লাবন *

অকস্মাৎ শুনি একি শোক-কোলাহল !

“ভেসে গেল, ডুবে গেল—কি ভীষণ জল !”

বাঁধ ভাঙি দামোদর, গরাসিল চরাচর,

হাট, মাঠ, পল্লী, বাট গেল রসাতল ।

চারিদিকে শুধু বারি, একি হ’ল ! ভিটা বাড়ী

জলে ডুবে হয়ে গেল সব সমতল !

কোঠা ছাদ ভেঙে চূরে, কোথা ফেলে দিল দূরে,

এত বল ধরে জল হইয়া তরল !

শুষ্ক লম্বু পত্র প্রায়, কত চালা ভেসে যায়—

দূর গ্রামান্তরে—শ্রোত এতই প্রবল ।

উঁচু নীচু ঘর দ্বার, হ’ল যেন পারাবার,

কোথাও রহিল নাকো দাঁড়াবার স্থল ।

* ১৩২০ বঙ্গাব্দের শ্রাবণ মাসের প্রবল বন্যায় দামোদর নদের বাঁধ ভাঙ্গিয়া বর্ধমান, বাঁকুড়া, মেদিনীপুর, হুগলী ও হাওড়া জেলার বহু গ্রাম ও নগর জলে প্লাবিত ও হৃদ্যাগ্রস্ত হয়। এই দৃষ্টান্ত অবলম্বনে লিখিত ।

গাড়ী পাল্কা সব বন্ধ, এ বড় বিষম ধন্ধ,
 জলেতে করিল কল-গাড়ীকে অচল ।
 না মিলে কোনও যান, কি করে বাঁচায় প্রাণ,
 সকলেরি গতি বুঝি মরণ কেবল ।
 জীবন রক্ষার লাগি, হয়ে সরবস্ত্র ত্যাগী,
 কত লোক দিখিদিকে ছুটে দলে-দল ।
 একি শূনি আচম্বিতে ভীম-কোলাহল !

কখনো দেখিনি হেন সর্ববনেশে জল !
 একি বিসদৃশ হায় ! জীবনে জীবন যায়,
 পশু শিশু নারী নর জলে হ'ল তল ।
 স্রোত-মুখে ইতস্ততঃ, ভেসে যায় কত শত,
 নিমগ্ন জীবের মৃত দেহ অবিরল ।
 সবাই ডুবিয়া মরে, কেবা পারে রক্ষা করে,
 জলে সর্ববনাশে—যথা নাশয়ে অনল ।
 ছাদে গাছে নৌকা চড়ে, কিংবা কপালের জোরে,
 যাহারা বাঁচিল প্রাণে—তাহে বা কি ফল !
 অন্ন বস্ত্র ধন ধান, সকলি নাশিল বান,
 তৃণগাছি কাহারো না রহিল সম্বল ।
 কিবা খায়, কিবা পরে, কিসে প্রাণরক্ষা করে,
 অশন বসনাভাবে সবাই বিহ্বল ।

মরিল কাহারো পতি, কা'রো গেল পুত্রবতী-

পত্নী, কা'রো পিতামাতা আত্মীয় সকল ।

ডুবিল সন্তান কা'র, না পেয়ে সন্ধান তা'র,

শোকে তাপে কত আঁখি ঝরে অবিরল ।

ପିତୃମାତୃହୀନ କତ, ପୁତ୍ର କନ୍ୟା ଶତ ଶତ,

অনাথ হইল !—একি দুর্ভাগ্যের ফল !

এমন দেখিনি কভু সৃষ্টিছাড়া জল !

দাতা কর্ণ

মরে নাই কুন্তীস্থত কর্ণ বীরবর !
 অক্ষয় জীবন তার,
 সে ত নহে মরিবার,
 বিধাতা দিয়েছে তারে অমরত্ব বর ।
 কর্ণ যে দাতার শ্রেষ্ঠ,
 নিখিল মানব প্রেষ্ঠ,
 অপূর্বব দানের গুণে হয়েছে অমর ।
 সে যে দানবীর—বীরকুল অলঙ্কার ।

বীর কি কখনো মরে ?
 চিরজীবী মর্ত্যোপরে,
 বীরের কেবল হতে আছে অধিকার ।
 পুরুষের বীরধর্ম,
 পুরুষের বীরকর্ম,
 বীরত্বেই অমরত্ব—মহত্ত্ব অপার ।
 সে বীরত্ব অপার্থিব,
 বহু পুণ্যে পায় জীব,

সে বীরত্ব শারীরিক জড়-শক্তি নয় ।
 অদ্ভুত তাহার রীত,
 দেখি বিশ্ব চমকিত,
 সে বীরত্ব মনোময়-কোষ মধ্যে রয় ।
 সে বীরত্ব আছে যার,
 ধরা বশীভূত তার,
 করে সে সবার হিয়া মন অধিকার ;
 নরনারী সমুদায়,
 পূজনীয় বলি তায়,
 পরম ভক্তি ভরে করে নমস্কার ।
 যেই বীরে সে বীরত্ব,
 ভবে সেই মহাসত্ব,
 ধন্য ধন্য পুরুষত্ব—মনুষ্যত্ব তার ।
 দাতা কর্ণ সেই বীর,
 বীর হয়ে মহাদীর,
 সে চাহেনি প্রতিশোধ দিতে শত্রুতার ।
 চিনি ছদ্মবেশ অরি,
 মরণ স্বীকার করি,
 কবচ কুণ্ডল তারে করিল অর্পণ ;
 আপনার প্রাণ দিয়া,
 ভূষিতে শত্রুর হিয়া,
 দাতা কর্ণ সম আর পারে কোন জন ?

যাচকের প্রত্যাখ্যান,
 করেনি সে মতিমান—
 দিনেকের তরে তার অতুল্য জীবনে ;
 সত্যে নিষ্ঠা দৃঢ়তার
 দৃষ্টান্তের স্থল আর
 কর্ণের সমান কেহ মিলেনি ভুবনে ।
 ধরিয়া ধনুক তীর,
 কাটিয়া শত্রুর শির,
 সে চাহেনি পরিচয় দিতে আপনার ;
 করেছে অনেক রণ,
 বহু বীর-বিনাশন,
 তবু “যোধ” খ্যাতি তার ঘোষে না সংসার ।
 খ্যাত হতে যোধ বলি,
 জন্মেনি সে মহাবলী,
 জন্মেছিল দেখাতে দাতৃ নরগণে ;
 দান-ধর্ম রক্ষা তরে,
 করাত ধরিয়া করে,
 কাটিলেক পুত্রশির মিলি পত্নীসনে !—
 না ফেলি নয়ন জল—অকাতর মনে !!

কর্ণ যদি মরে ! তবে
 অমর কে হবে ভবে ?

মরিয়াছে রণবীর মহাশূর কত !
 প্রবল-প্রতাপ মহারাজ শত শত !
 মরেনি সে দানবীর কৰ্ণ মহামতি ;
 সত্যসারময় দেহ দয়ার মুরতি ।

জীবিত রয়েছে সেই,
 কভু তার মৃত্যু নেই,
 যাবৎ দিনেশ চন্দ্র—যাবৎ ধরণী :
 তাবৎ অমর কৰ্ণ বীর-শিরোমণি ।

শারদোৎসব

বছর অন্তরে পুনঃ শরৎ আইল,
 চারিদিকে হাসি প্রকাশিল ;
 বাঙালার সমুদয়—
 আজি কিবা সুখময়,
 অনুপম শারদীয় শোভায় ভাঙিল ;
 বিমল আনন্দে তাই সবাই মাতিল ।

নিশাতে বিটপী শাখে খছোতের দল,
 ক্রীড়া করে হইয়া বিহ্বল ;
 হেরিয়া চন্দ্রের ভাতি,
 দারুণ ঈর্ষায় মাতি,
 নিজের কিঞ্চিৎ জ্যোতি প্রকাশ করিল ;
 যেন কনকের কুচি শোভিতে লাগিল ।

কুসুম কোরক প্রাতে হেরি প্রস্ফুটিত,
 মধুকর হইল মোহিত ;

নবপুষ্প মধুপানে,
 শ্রবণ মধুর তানে,
 গুন গুন রব ধরি করিল মোহিত ;
 প্রকৃতি হইল আজি অতি স্নশোভিত ।

কেন আজি প্রকৃতির এত শোভা হ'ল ?
 দেশবাসী কেন বা হাসিল ?
 শরতের আগমনে—
 ঘাট মাঠ পল্লী বনে,
 মায়ের আনন্দময়ী রূপ দেখা দিল ;
 তাই ত সবার মন আনন্দে ভরিল ।

দীন জন্মভূমি কোলে বাঙালী সন্তান,
 মোহ-ঘোরে ছিল অচেতন ;
 কেন আজি জাগরিত,
 হেন আনন্দিত চিত,
 জানাতে কি মার কাছে দুখের কাহিনী ?
 এসেছেন দুখহরা দুর্গতি-নাশিনী ।

বালক যুবক বৃদ্ধ ধনী কি নির্ধন ;
 সবে আজি পুলকিত মন ।

দেবের বাঞ্ছিত ধন,
 মহা-শক্তি আগমন,
 যুটিল সবার তাই ক্ষীণতা দীনতা,
 যে দিকে ফিরাই আঁখি হেরি প্রফুল্লতা ।

বাঙালীর ঘরে আজ কত আয়োজন—
 নানাবিধ বসন ভূষণ,
 মিষ্ট অন্ন ফল মূল,
 কিছু নাই অপ্রতুল,
 গন্ধ-পুষ্প—বিধিমত দিয়া উপচার ;
 কাঙালী বাঙালী পূজা করে শারদার !

বিজয়ানন্দ

এস ভাই ! আজি বিজয়া দশমী,
 করি সবে আলিঙ্গন,
 বিজয়ানন্দে মিলনানন্দ,
 করি প্রীতি-সস্তাষণ ।
 আজি, ভাই ! এস বরষের দিনে,
 হৃদয়-কপাট খুলি,
 প্রাণের ভিতরে টেনে লই সবে,
 নীচতা হীনতা ভুলি ।
 এস শুভ দিনে অশুভ যা-কিছু
 সব করি পরিহার,
 ভুলি অভিমান, ভুলি অপমান,
 ভুলি ঘৃণা অবিচার ।
 তাজি অবসাদ, জড়তা, বিষাদ,
 হৃদয়ে আনন্দ লয়ে,
 হাসি মুখে এস ভাই বন্ধু সবে,
 মিলে যাই এক হয়ে ।

(আর) কেন ভাই বৃথা কর হিংসা ঘেঁষ,
 কেন ভাব সবে পর ?
 কেন বড় ভাব আপনা-আপনি ?
 হীন দেখ চরাচর !
 কেন অহং জ্ঞানে হইয়া বিভোর,
 পায়ে ঠেল দীন জনে ?
 মিছে ভেদাভেদ, ছোট বড় জ্ঞান,
 কর সদা মনে মনে !
 এই ভেদজ্ঞান, এই অভিমান,
 এই ঘৃণা অহঙ্কার,
 ক'দিনের তরে ? দুই দিন পরে
 কভু না রহিবে আর ।
 তবে কেন আর ছাড়াছাড়ি হয়ে,
 থাক ভাই ভাই সবে ?
 সরল হৃদয়ে, সবে এক হ'লে,
 ভবের মঙ্গল হবে ।

(আজ) শত্রু মিত্র হও, যেখানে যে রও,
 আমার মিনতি ধর,
 যত অপরাধ, যত অবিচার,
 যত দোষ, ক্ষমা কর ।
 দোষী অপরাধী, বাদী প্রতিবাদী,
 যে যাহার কাছে হও,

বিনীত বচনে, অনুতাপ সনে,
 মার্জনা চাহি লও ।
 ভুলে যাও ভাই, বিপক্ষের ভাব,
 ভুলে যাও প্রতিশোধ,
 পরস্পরে এবে ক্ষমা কর ভাই,
 এই করি অনুরোধ ।

(তবে) এস ভাই ! আজি বিজয়া দশমী,
 মা'র কথা সবে স্মরি,
 মায়ে'র নামেতে আত্ম পর ভুলে
 প্রেমে কোলাকুলি করি ।
 আনন্দরূপিনী মোদের জননী,
 নিরানন্দ কেন র'বে !
 এক মা'র ছেলে, আমরা সকলে,
 কেন ভিন্ন ভাব তবে ?
 এস এস তবে, মায়ে'র মণ্ডপে
 মিলিয়া সকল ভাই,
 জয় মহাশক্তি, জয় ব্রহ্মময়ী,
 পরাণ খুলিয়া গাই ।

নববর্ষ

বিষুব-সংক্রান্তি রাত্রি হল অবসান,
 নবরাগে উদয় হইল অংশুমান ।
 গাইল আইল আজি বরষ নূতন,
 পুরাতন গত হল জন্মের মতন ।
 তার সঙ্গে সম্বন্ধ যুছিল একেবারে,
 ডুবিল সে অতীতের সাগর-মাঝারে !
 গাস ঋতু সম্বৎসর বিধির আজ্ঞায়,
 চিরদিন এক আসে এক চলে যায় ।
 যে যায় চলিয়ে তার সম্বন্ধ না থাকে,
 ফিরে আর আসে না সে শত শত ডাকে !

দেখিতে দেখিতে এক বর্ষ চলে গেল,
 পুনরায় বাঙালায় নব বর্ষ এল ।
 পহেলা বৈশাখ আজি—বর্ষারম্ভ দিন,
 আমোদিত বাল যুবা প্রৌঢ় প্রাচীন ।
 হাসিছে ভাসিছে সবে স্মৃথের সাগরে,
 দুঃখ লেশমাত্র নাই কাহারো অন্তরে ।
 আনন্দের ধ্বনি আজি শুনি ঘরে ঘরে,
 ভগবতী স্মরি সবে মঙ্গল আচরে ।

ধরিয়া বালক-দল সুললিত তান,
 হরষে গাইছে কিবা মনোমদ গান ।
 শুদ্ধচিত্ত সমাহিত হয়ে নারীগণ,
 বরষের ফলাফল করিছে শ্রবণ ।
 কি দরিদ্র কিবা ধনী গৃহবাসী যত,
 সবে আজি সাধ্যমত দানধ্যানে রত ।
 বিমল পবিত্র ভাব মানসে সবার,
 ক্ষীণমতি হীনজন পরম উদার ।
 ব্যবসায়ি-কার্য্যালয়ে মহা মহোৎসব,
 কত লোক আসে যায় হয় কলরব ।
 কুসুম-পল্লব-মালে দ্বার স্ত্রশোভিত,
 ধূপ-ধূনা-গন্ধে গৃহ করে আমোদিত ।
 খুলিয়া নূতন খাতা ধনি-মহাজন,
 সমাগত অধমর্গে করে সম্ভাষণ ।
 নিরন্তর মুক্তদ্বার মিষ্টান্ন-ভাণ্ডার,
 ছোট বড় সকলের হতেছে সৎকার ।

এই যে বর্ষের দিন, এ দিনে কি সবে,
 কেবল আনন্দ ভোগে বিমোহিত রবে ?
 শুধুই কি ভবিষ্যতে নয়নে ধরিবে,
 অতীতের পানে ফিরে দৃষ্টি না করিবে ?

মর্শ্ববাণী

অতীতের দোষ পাপ না করি স্মরণ,
কিরূপে হইবে বল চরিত্র গঠন ?
মতি নাহি থাকে যদি দোষ সংশোধনে,
উন্নতির পথে তবে চলিবে কেমনে ?
গত ত্রুটি গণনায় নাহি আসে যার,
জীবনের উন্নতি না হয় কভু তার ।
অতীত বরষস্মৃতি অতি শুভকরী,
এস ভাই চলি মোরা এই বাক্য ধরি ।

বর্ষশেষ

বিধির বিধানে একবর্ষ চলে যায়,
নব বর্ষ পুনরায় আসিল ধরায় ।

স্রষ্টার নিয়ম-ক্রমে,
কালচক্র সদা ভ্রমে,
সুশৃঙ্খল গতি তার অতি চমৎকার ;
বর্ষ শেষে নববর্ষ আসে বার বার ।

সৃষ্টিতে সকলি বাঁধা নিয়মে ধাতার,
কোথাও না দেখি কভু অগ্ৰথা তাহার ।

অলঙ্ঘ্য নিয়মে কাল,
এইরূপে চিরকাল,
আনিছে নূতন মাস ঋতু সম্বৎসর—
নূতন শতাব্দী, নবযুগ—যুগান্তর ।

এ জগতে নিত্য নূতনের অভ্যুদয়,
বিধির ইচ্ছায় পুরাতন নাহি রয় ।

প্রথমে নূতন যাহা,
পরে পুরাতন তাহা,
অবশেষে একবারে লয় হয় তার ;
বিচিত্র ব্যবস্থা তাঁর বুঝে সাধ্য কার ?

কে গণিতে পারে কত বর্ষ চলে গেল,
নববর্ষ নাম লয়ে কত বর্ষ এল !

এক যায় এক আসে,
চিরদিন ধরা-বাসে,
অনন্ত কালের এই লীলা-অভিনয়,
দেখিয়া না হয় কার বিষয় উদয় ।

আসিয়া নূতন বর্ষ হয় পুরাতন,
মানবের পরমাযু করিয়া হরণ ।
স্ববোধ চতুর সেই,
সময় থাকিতে যেই,
আলস্ত-শয়নে নাহি থাকে অচেতন,
আপন কর্তব্য পালে করিয়া যতন ।

উপহার *

আজ বিয়ের দিনে কি দিব হয় তোমায় উপহার !
 জান ধন দৌলত নাইক—অতি অভাগ্য আমার ।
 আছে স্নেহ প্রীতি ভালবাসা অপার্থিব ধন ;
 বল এর সাথে কি তুল্য হয় রজত কাঞ্চন ?
 তবে এই লয়ে আজ তুষ্ট হও, তৃপ্ত কর প্রাণ ;
 আমি বিধির কাছে যাচি তব কুশল কল্যাণ ।
 তুমি সুখী হও, সুস্থ রও, স্বস্তি কর লাভ ;
 তব হৃদে জাগুক উচ্চ আশা—ধর্ম্মের প্রভাব ।
 তুমি লভ পিতার গুণ-গরিমা সূচরিত্র-বল ;
 সাধ সযতনে জাতির হিত, দেশের মঙ্গল ।
 তুমি হাসি-মুখে মনের সুখে করহ সংসার ;
 এই শুভদিনে হৃদয়-মনের কামনা আমার !

শ্রীমান নগিনাথ প্রাণাণিকের শুভ-পরিণয় উপলক্ষে ।

জননী

মা তুমি সামান্য নও অমরার দেবী ;
 জননী জনম-স্থান,
 স্বর্গ হ'তে গরীয়ান,*
 ধন্য হয় এ জীবন মা তোমায় সেবি ;
 মানবীর রূপে তুমি মূর্ত্তিমতী দেবী ।

মা গো, তব তুল্য আর আছে কোন্ জন ;
 তোমাকে হইলে ছাড়া,
 শিশু হয় দিশেহারা,
 তুমি যে পরম ধন—শিশুর জীবন ;
 অনন্ত মহিমা তব—বিদিত ভুবন ।

তব দরশনে হয় আনন্দ অপার,
 পরশে পরম প্রীতি,
 থাকে না ভাবনা ভীতি,
 দূরে যায় সমুদায় মনের বিকার ;
 সংসার স্বরগ যেন হয় একাকার ।

* জননী ওন্মভূদিশ্চ স্বর্গাদপি গরীয়সী ।

তব কণ্ঠধ্বনি যেন মোহন বাঁশরী ;
 কর যবে সস্তাষণ,
 শান্ত হয় প্রাণমন,
 শত দুঃখ শত জ্বালা পলকে পাসরি ;
 কি যে মন্ত্র তব বাণী, আহা মরি মরি !

ক্ষমা দয়া স্নেহ প্রীতি মায়া বা মমতা.
 অপত্য-পালন, সেবা,
 এ জগতে জানে কেবা—
 তোমার সমান ? সরলতা সহিষ্ণুতা,
 এত গুণ তোমাকেই দিয়াছেন ধাতা ।

সংসারের মাঝে মাতঃ ! তুমি গো যেমন,
 তেমন কে আছে আর ?
 কার স্নেহ অনিবার ?
 তুমি স্নেহরূপা ধাত্রী—ধরিত্রী-ভূষণ,
 জননী, প্রসূতি—তব গুণ অতুলন ।

কত যত্ন মা তোমার সন্তানের তরে ;
 বৃকের শোণিত দিয়ে,
 রাখ তারে জীয়াইয়ে,
 তোমার কৃপায় শিশু বল শক্তি ধরে ;
 তোমার আশ্রয় পেয়ে সংসারে বিচরে ।

সাজ হ'ত মানবের সব লীলাখেলা ;
 সংসারের অভিনয়,
 নিশ্চয় পাইত লয়,
 ভেঙে যেত সুন্দর এ ধরণীর মেলা ;
 সম্মুখীন করিতে মা গো যদি অবহেলা ।

প্রজাপতি জীব-সৃষ্টি রক্ষার কারণে,
 সৃজিয়া জননী মূর্তি,
 রাখিলা অদ্বুত কীর্তি ;
 মাতৃভক্তি-ডোরে বন্ধ জগবাসি-জনে ;
 থাকিত না সৃষ্টি কভু জননী বিহনে ।

লক্ষ্মীমেয়ে

নদীর পুতলি তুই, কনক-চাঁপার কলি ;
 অফুটন্ত উষালোকে সহসা ঝরিয়া প'লি।
 ছ্যালোকের দেবশিশু ভুলোকের খেলা-ঘরে,
 এসেছিলি পথ ভুলি শুধু দু-দিনের তরে।
 আমাদের সাথে খেলি সোয়াস্তি হ'ল না তোর ;
 ভাই বুঝি চলে গেলি রাখিয়া স্মৃতির ঘোর।
 স্বহস্তের স্মৃতি-কীর্তি—তোর ফেলা মসী-চিহ্ন,
 কস্মলে সস্মল আছে—কিছু নাই ইহা ভিন্ন।
 আহ্নিকের কালে তুমি চুপি চুপি আসি পাশে,
 তাকাতো বাবার পানে কোলে বসিবার আশে।
 ভোজন-সময়ে রোজ বসিতে বাবার সনে ;
 না ডাকিলে আড়ে চেয়ে চলে যেতে ক্ষুণ্ণ মনে।

* পূজনীয় পণ্ডিত শ্রীযুক্ত রাধারমণ গোস্বামী জ্যোতিষরত্ন
 মহাশয়ের কনিষ্ঠা কন্যা ; জন্ম—১৩২৬ সালের ২৬শে আষাঢ়,
 মৃত্যু—১৩২৭ সালের ৩১শে শ্রাবণ। তাহার পিতা, মাতা এবং
 দাদারা তাহাকে আদর করিয়া যথাক্রমে লক্ষ্মীমেয়ে, গল্প, বাসু,
 গনা, পচা বলিয়া ডাকিতেন। সংসারে তাহার স্মৃতির জন্ত বাহ্যিক
 কোনও চিহ্ন নাই ; কেবল সে যে কস্মলের উপরি দোয়াতের কালী
 কেলিয়াছিল, তাহাই তাহার শেষ চিহ্ন।

‘গল্প’ ‘গনা’ ‘বাস্ত’ ‘পচা’ কত কি.যে নাম ধরে,
 জননী দাদারা তোরে ডাকিত স্নেহের ভরে ।
 আদরে তোমারে বাবা ডাকিতেন “লক্ষ্মীমেয়ে”;
 সারা দিতে বলিয়া “কি”, নিকটে আসিতে ধেয়ে ।
 কোথা হয় ! কোলে আয়, চুমু দে রে ফুলরাণী !
 ঊকি দিয়ে দেখ চেয়ে, দিতেছি যে হাতছানি ।
 মায়াময়ী মানময়ী আমাদের ফাঁকি দিয়া,
 কোথায় অজানা দেশে আছ তুমি লুকাইয়া ?
 এত সাধি, এত ডাকি—পাই না উত্তর তোর ;
 পরাণ মানে না হয় ! ডাকিব জনম-ভোর ।
 তোর নিদারুণ স্মৃতি অন্তরে জ্বলন্ত লেখা ;
 বাহিরে রহিল শুধু অস্থায়ী কালীর রেখা ।

পিতৃ-তর্পণ

একি দুর্ঘটনা, বাবা ! কি ছুর্দৈব হায় !
 তোমার নিয়তি একি ? বুঝা নাহি যায় ।
 জন্মিলে মরিতে হয়,
 তা'তে তত ক্ষোভ নয়,
 কিন্তু তব মৃত্যু ! একি মৃত্যু বলা যায় ?
 দুরন্ত বসন্ত রোগে,
 অসহ যন্ত্রণা ভোগে,
 নিস্তার পাইতে আর না দেখি উপায়,
 ত্যজিলে পরাণ শেষে উদ্বন্ধনে হায় !
 প্রাণ দিয়ে ত্রাণ নিলে,
 উছ ! বড় দাগা দিলে,
 কি কাজ করিলে হায় রোগের জ্বালায় !
 আদরের মেয়ে ছেলে,
 মোরে নাবালক ফেলে,
 কেমনে নিদয় হয়ে লইলে বিদায় ?
 একি বিসদৃশ বিধি,
 শোকে দুঃখে দহে হৃদি,
 কি দারুণ জ্বালা—ওগো কি বিষম দায় ।
 মোদের কি হবে তুমি ভাবিলে না হায় !

বৈশাখে পূর্ণিমা তিথি নিশীথ রজনী ।
 রোগীর শুশ্রূষা করে',
 নিদ্রা যান অকাতরে,
 পিতৃশয্যা পাশে—দাদা, দিদি ও জননী ।
 আমি ত বালক হাবা,
 ঘুম ভেঙে দেখি, বাবা
 দাঁড়ায়ে শিয়রে—শূন্যে চরণ দুখানি ।
 অমনি কাঁদিয়া ডাকি,
 “বাবা, বাবা” হায় একি !
 সাড়া নাই, শব্দ নাই, নাই মুখে বাণী !
 নিকটে নাহিক কেহ,
 দেয়ালে ঝুলিছে দেহ
 সরল সহজ ভাবে—নাহি তাহে প্রাণী !
 পূর্ণিমা নিশাতে এত,
 আঁধার ঘেরিবে তা'ত,
 স্বপনেও মোরা কেহ আগে নাহি জানি !
 কাল-বৈশাখের রাতি গেল বজ্র হানি ।

বাল্যকালে ছিলে বাবা, পিতৃ-মাতৃ-হীন ।
 আত্মীয় স্বজন কেহ,
 পালেনি করিয়া স্নেহ,

অনাথের প্রায় তব কেটেছিল দিন ।
 সহায় সম্বল নাই,
 নাই দাঁড়াবার ঠাই,
 যতন অভাবে দেহ বিশীর্ণ মলিন ।
 ফেলি কপালের ঘাম,
 নিজ হাতে করি কাম,
 হয়েছিলে বয়োপ্রাপ্ত—পরের অধীন ।
 বংশের সম্ভ্রম জানি,
 ঈশ্বর ধনাঢ্য মানী,
 তোমাকে দিলেন স্থান দেখি ভাগ্যহীন ।
 বাড়াতে কুলের মান,
 করিলেন কন্যাদান,
 মানিলেন ধন্য—পেয়ে জামাতা কুলীন ।
 ঈশ্বরের কৃপা লভি,
 ক্রমেতে হইল সবই—
 টাকা কড়ি ঘর বাড়ী—ঘুটিল দুর্দিন ।
 সক্ষম পুরুষ ধন্য,
 হ'লে শেষে মান্য গণ্য,
 আয়-ব্যয়-সঞ্চয়ে আছিলে সমীচীন ;
 বিষয়-কর্মেতে বড় সুদক্ষ প্রবীণ ।

বিষয় ব্যাপারে তুমি ছিলে বিচক্ষণ ।

কর্শ্বপটু শ্রমশীল,

কাটাতে না এক তিল

সময়—অলসে* বিনা কাজে অকারণ ।

ছিলে সদা কশ্মে রত,

কশ্মই জীবনে ব্রত,

শ্রমের মাহাত্ম্য করেছিলে প্রদর্শন ।

ব্যবসা-কার্যের রীতি,

কূট তত্ত্ব অর্থনীতি,

অভাবে স্বভাবে হয়েছিল উদ্ঘাটন ।

বাল্যের কঠোর ক্লেশ,

গুরুদত্ত উপদেশ

সম—ছিল চিরদিন মনেতে স্মরণ ।

দুঃখেতেই সুখ জানি,

কষ্টকে সৌভাগ্য মানি,

দৃঢ়ভাবে করেছিলে জীবন গঠন ।

তুচ্ছ করি ভোগ সুখ.

নিবারিলে পর দুখ,

বিলাস সম্বোগে তব ছিলনাক মন ।

ঋদ্দের খাতক যত,
 সবে ছিল অনুগত,
 করিতে সবার সাথে মিষ্ট আচরণ ।
 আজিও দৃষ্টান্ত স্থলে,
 প্রতিবেশিগণে বলে—
 “বড় ভাল ছিল প্রেমচাঁদ মহাজন ;
 অর্থদানে অধমর্গে করেছে পালন ।”

কারবারে করেছিলে প্রচুর অর্জন ।
 বাণিজ্যে শ্রীবৃদ্ধি হয়,
 এটা শুধু কথা নয়,
 তোমার জীবনে তার পাই নিদর্শন ।
 আমরা নির্বেবাদ অতি,
 নহে স্থির মতি গতি,
 ব্যবসা-কার্যোতে নাই যত্ন প্রাণপণ ।
 এটা ছাড়ি, ওটা ধরি,
 খামখেয়ালিতে পড়ি
 খোয়ায়েছি টাকা কড়ি—তব দত্ত ধন ।
 “ন দেবায় ন ধর্ম্মায়”,
 পাঁচ ভূতে খেল হায় !
 স্মৃতি কীর্ত্তি কিছু নাহি হ’ল সংস্থাপন ।

মোরা মুঢ় হীন-শক্তি,
 নাহি পিতৃ-প্রেম ভক্তি,
 না করি নু তব দিব্য গুণানুসরণ।
 তোমার অর্জিত অর্থ,
 অপাত্রে পড়িয়া ব্যর্থ,
 অযোগ্য আমরা তব অভাগা নন্দন ;
 মোদের হইল সার আক্ষেপ ক্রন্দন।

মাতৃ-তর্পণ

মা গো ! এ কি সর্বনাশ ! তুমি কোথা গেলে ?

এ সংসারে আমাদের অসহায় ফেলে !

সেবারে বিধির বরে,

ফিরে পেয়েছিলু ঘরে,

সাত দিন গঙ্গাবাস * করে' তুমি এলে ।

আমাদের অকল্যাণ,

এই ভেবে ত্রিয়মাণ,

কতই সঙ্কোচ কত ভয় মনে পেল !

জীবন-সংগ্রামে বুঝি,

কালের সহিত যুঝি,

এবারে মোদের তরে আর নাহি র'লে ।

তোমার অভাবে আজ,

শিরেতে হানিছে বাজ,

হাহাকার করে নাতিপুতি মেয়ে ছেলে ।

* ছরারোগ্য বিশ্বচিকা রোগে মরণাপন্ন অবস্থায় মাতা গঙ্গা-
ভীরস্থ হইতে ইচ্ছা করেন । তথায় তিনি এক সপ্তাহ থাকিয়া
আরোগ্য হইয়া গৃহে ফিরিয়া আসেন ।

মায়ার শরীর ও মা !
 কত তব দয়া ক্ষমা,
 এখন কি স্নেহপ্ৰীতি সব পাসরিলে !
 ভূমানন্দে দিব্যজ্ঞানে,
 “হরেকৃষ্ণ” রূপ ধ্যানে,
 স্বচ্ছন্দে সজ্ঞানে তুমি গোলোকে পশিলে ।
 ও মা, মা গো ! আজ তুমি সত্যি চলে গেলে ?

মা গো, তুমি এ সংসারে ছিলে যে কমলা !
 অন্ন বস্ত্র স্নেহ প্ৰীতি,
 আমরা পেয়েছি নিতি,
 তোমার প্রসাদে ছিল গৃহের শৃঙ্খলা ।
 আত্মীয় স্বজনগণে,
 পাড়া-প্রতিবেশী সনে,
 কি সখ্য সম্ভাবে তুমি দিন গুঁয়াইলা ।
 ছোট বড় সর্ববজনে,
 যথাযোগ্য সম্ভাষণে,
 প্রেম-ডোরে সকলেরে আবদ্ধ রাখিলা ।
 কর নাই বিসম্বাদ,
 অপকার, অপবাদ,
 ক্রুত বাক্যে কারো প্রাণে দাও নাই জ্বালা ।

অনাসক্ত ধনমানে,
 সদা মুক্তহস্ত দানে,
 অন্তের অভাবে হ'লে নিজে নিঃসম্বল।
 দেব-দ্বিজে দৃঢ় ভক্তি,
 ধৰ্ম্মকৰ্ম্মে অনুরক্তি,
 অতিথি-বৈষ্ণব সেবা, নাম-জপ-মালা ;
 ব্রত, তীর্থ, উপবাস,
 গঙ্গাস্নান বার মাস—
 এই করে' মা তোমার জীবন কাটিলা ;
 আজন্ম আছিলে নিষ্ঠাবতী পুণ্যশীলা।

অশীতি বরষ মা গো এ জগতে ছিলা !
 বিশ বর্ষ অন্ধ* হয়ে,
 দারুণ যাতনা স'য়ে,
 কত শোক তাপ লয়ে দিন কাটাইলা !
 কখন হইয়া ত্যক্ত,
 মুখেতে করনি ব্যক্ত—
 “বিধির অবিধি তাই এ দুঃখ ভুঞ্জিলা।”
 সংসারের ঝঞ্ঝাবাতে,
 বজ্র সম উৎপাতে,

ভীষণ বসন্তরোগে মাতার দৃষ্টিশক্তি নষ্ট হইয়া যায়

হয় নাই তব চিত্ত অশাস্ত উতলা ।
 সদা প্রীতিপূর্ণ মন,
 প্রেমে প্রসন্ন বদন,
 সার্থক “প্রসন্নময়ী” নাম পিতা দিলা ;
 যথার্থই তুমি গো মা ঈশ্বরের * বালা ।

বৃদ্ধা হয়ে মা তোমার ঘটেনি প্রমাদ ।
 হ’লে চক্ষু দৃষ্টিহীন,
 বলিয়াছ অশুদিন—
 “মোর প্রতি বিধাতার এও আশীর্ব্বাদ ।
 দেবদেবী দেখাশোনা,
 তীর্থস্থানে আনাগোনা,
 এ-লোকের ক্রিয়াকাণ্ড হয়ে গেল বাদ ।
 ক্ষোভ নাই হয়ে অন্ধ,
 হৃদে হেরি শ্রীগোবিন্দ-
 রাধারানী—ধ্যানে পাই অমৃত আনন্দ ।
 যখন মানসে চাই,
 প্রকট দেখিতে পাই,
 অন্তরে বিরাজে রাডা যুগল শ্রীপাদ ।

* আমার পিতার নাম প্রেমচাঁদ ; মাতার নাম প্রসন্নময়ী ;
 আতামহের নাম ঈশ্বরচন্দ্র ।

স্মরণে মননে পুণ্য,
 এ জীবন মানি ধন্য,
 দূরে যায় অন্তরের খেদ অবসাদ ;
 অন্ধ করে বিধি মোরে মিটালেন সাধ ।”

কত যত্নে মা মোদের করেছ পালন ;
 দিনেকের ক্লেশ তব করিনি ক্ষালন ।
 মোদের হইলে রোগ,
 তোমারি সে কষ্টভোগ,
 অনাহারে অনিদ্রায় সময়-যাপন ।
 কতই শুশ্রূষা সেবা,
 অত আর পারে কেবা ?
 যত করিয়াছ মা গো মোদের কারণ ।
 মোদের সুখের লাগি,
 দিনে খেটে রাতে জাগি,
 সাধ্যমতে করিয়াছ কত আয়োজন ।
 অজ্ঞানে দিয়াছি কষ্ট,
 করেছি অনেক নষ্ট,
 তথাপি করনি তুমি পীড়ন তাড়ন ।
 স্নেহভরে মিষ্ট স্মরে,
 মোদের শিক্ষার তরে,
 বলিয়াছ কত হিত অমূল্য বচন ।

তোমার সে সব কথা,
 মনে করে' পাই ব্যথা,
 করিনি তোমার প্রতি যোগ্য আচরণ;
 এমনি দুষ্কৃত আমি অতি অভাজন।

পিতৃমাতৃ-কার্য্যে হয় জীবনের সুখ।
 জনক-জননী-সেবা,
 এর চেয়ে ধর্ম্ম কিবা ?
 এ কস্মে বঞ্চিত আমি, মনে রৈল দুখ।
 সংসারে জড়িত হ'য়ে,
 অর্থের ভাবনা ল'য়ে,
 রহিলাম পরবাসে পরবৃত্তিভুক।
 পুত্রকর্ম্ম হ'ল ব্যর্থ,
 দূরে গেল পরমার্থ,
 হইলাম অকৃতার্থ আমি অহম্মুখ।
 মোর কপালের লেখা,
 অস্তিত্বে হ'ল না দেখা,
 “স্বর্গাদপি গরীয়সী” মায়েয় শ্রীমুখ।
 এই খেদে আজি মোর ফেটে যায় বুক !

পরিসমাপ্তি *

চলে গেলে সবে ফেলে, ওগো মহোদয় !

কাটিয়া সংসার-মায়া,

কঁদায়ে সন্তান, জায়া,

প্রতিবেশী, আত্মপর, বন্ধুসমুদয় ।

আরন্ধ পার্থিব কাজ,

শেষ বুঝি হ'ল আজ,

নির্মাণ করিয়া ব্রহ্ম-উপাসনালয় † !

তাহার প্রতিষ্ঠা-ভার,

দিয়া পুত্রে আপনার,

রাখি নিত্যানন্দ ‡ পাণ্ডুলিপি অবস্থায় ;

* পূজনীয় পণ্ডিত বীরেশ্বর প্রামাণিকের লোকান্তর-প্রাপ্তি ;
১৩ই কান্তিক, ১৩১২ ।

† শাস্তিপুর ব্রহ্ম-মন্দিরের গৃহ-নির্মাণ শেষ হইলেই ইহার মৃত্যু
হয় ; ইহার প্রতিষ্ঠা-কার্য্য করিয়া বাইতে পারেন নাই ।

‡ নিত্যানন্দচরিত সম্পূর্ণ লিখিয়া গিয়াছেন ; পুস্তকাকারে
মুদ্রিত হয় নাই ।

অদ্বৈতবিলাস গ্রন্থ *
 আজিও না হ'তে অস্ত,
 অকস্মাৎ কেন তুমি লইলে বিদায় !
 তোমার বিয়োগে মোরা,
 মর্শ্বাহত লক্ষ্যহারা,
 দেখিতেছি এ সংসার পূর্ণ কালিমায় ।
 অপোগণ্ড শিশুগণ,
 বোঝে না 'মৃত্যু' কেমন,
 তাই ভাবে ফিরে বুঝি পাইবে তোমায় ;
 ধূলা মাটি গায়ে মাখি,
 পথপানে দৃষ্টি রাখি,
 থাকে সবে তব আগমন প্রতীক্ষায় ।
 তুমি আসিবেনা আর,
 এ কথা বুঝান ভার,
 এরা যে অবোধ শিশু, না মানেন প্রত্যয় ।
 যাঁহাকে দেখেছে চক্ষু,
 উঠিয়াছে ঘাঁর বক্ষে,
 সে দেহের পরিণাম পঞ্চভূতে লয় !

* ত্রীঅদ্বৈতবিলাস গ্রন্থের দ্বিতীয় খণ্ডের ২০শ করম পর্য্যন্ত
 মুদ্রিত দেখিয়া গিয়াছেন ; গ্রন্থখানি তাঁহার মৃত্যুর পরে প্রকাশিত
 হইয়াছে ।

এ সত্য দুর্বোধ অতি,
 এতে—সুকুমার-মতি
 শিশু কেন ? যুবাদেরও প্রবোধ না হয় ।
 কি বলে সান্ত্বনা দেব,
 বিধান, বোচন, দেব, *
 কাঁদিয়া আকুল আজি না দেখে তোমায় ।
 যে অনাথ শিশু লাগি,
 হয়েছিলে গৃহত্যাগী, †
 সয়েছ অশেষ ক্লেশ পালিতে যাহায় ;
 কেমনে তাহারে ফেলি,
 আজি তুমি গেলে চলি,
 দয়া মায়া সব কি গো ভুলে গেলে, হায় !
 তুমি যে দয়ার নিধি,
 এ তব কেমন বিধি,
 তুমি কি থাকিবে আজি নির্দয়ের প্রায় !

* বিধান—বিধানশরণ অনাথ বালক, এক বৎসর বয়সের
 সময় হইতে প্রতিপালিত হইতেছে ।

বোচন—জ্যেষ্ঠ পৌত্র নিত্যানন্দ ।

দেব—দেবানন্দ, কনিষ্ঠ পুত্র ।

† নিজের বাসভবনে থাকিয়া অনাথ শিশুটির প্রতিপালনের
 অস্ববিধা ঘটায় তিনি তাহাকে লইয়া কিছুদিনের জন্ত গৃহান্তরিত
 হইয়াছিলেন ।

পরের হিতের লাগি,
 ছিলে সদা অনুরাগী,
 আজীবন সেবিয়াছ দীন অভাগায় ;
 নিজের অভাব জেনে,
 তবু দেছ সঙ্গোপনে
 অন্নবস্ত্র দীন জনে, দেখি অনুপায় ।
 গরীবের শিক্ষা তরে,
 অনাহারে অকাতরে,
 করেছ অবৈতনিক নৈশ-বিদ্যালয় ;
 দারিদ্র্যের নিষ্পোষণ,
 সহিয়াছ অনুক্ষণ.
 অন্নান বদনে হয়ে প্রশান্ত হৃদয় ;
 কর্তব্যের গুরুভার,
 শিরে ধরি অনিবার,
 চলেছ সংসার-পথে—তীব্র জ্বালাময় !
 এবে শান্তিধামে গিয়া,
 জুড়াক তাপিত হিয়া,
 যে জ্বালা হেথায় কভু জুড়াবার নয় ।
 পরমাত্মা সনে মিশি,
 রহ এবে দিবানিশি,
 কাটুক তোমার কাল ধ্যান ধারণায় ।

সত্যে ছিল দৃঢ় প্রীতি,
 লোক-সমাজের ভীতি,
 ধর্ম হ'তে বিচলিত করেনি তোমায়
 নাম-গানে ছিল মতি,
 তাহে হোক সদগতি,
 সামীপ্য, সাযুজ্য লভি রহ সাধনায় ।
 ব্রহ্মযোগ ব্রহ্মজ্ঞান,
 ব্রহ্মানন্দ-রস পান
 কর এবে পরলোকে হইয়া তন্ময় ।
 তোমার গৌরব-স্মৃতি,
 আমরা স্মরিয়া নিতি,
 কথঞ্চিৎ শান্ত করি এ তপ্ত হৃদয় ।
 মোদের সাঙ্গনা দেহ,
 দেহ অপার্থিব স্নেহ,
 আর তব শুভ আশীর্ব্বাদ, বরাভয় ;
 আমাদের মতি গতি ধর্ম্মে যেন রয় ।

